

UNIVERZITET U TUZLI

Broj: 01-165-JN-14/24

Tuzla, 23.10.2024. godine

Na osnovu člana 70. stav (1) i stav (3) Zakona o javnim nabavkama BiH («Službeni glasnik BiH» broj: 39/14, 59/22 i 50/24) i člana 64. stav (1) tačka r) Statuta JU Univerziteta u Tuzli broj: 03-5695-1-2/23 od 18.10.2023. godine, a nakon razmatranja Zapisnika Komisije o pregledu i ocjeni ponuda broj: 01-165-JN-13/24 od 21.10.2024. godine, po punomoći Rektorice Univerziteta u Tuzli broj: 01-1424-1/24 od 13.03.2024. godine, Direktor za ekonomske poslove, donio je

## **O D L U K U**

### **O IZBORU NAJPOVOLJNIJEG PONUĐAČA**

#### **I**

U otvorenom postupku javne nabavke mikroskopa za potrebe Medicinskog fakulteta Univerziteta u Tuzli, izabran je ponuđač "ELTA 90 MB" d.o.o. Sarajevo, sa ponuđenom cijenom od 4.399,99 KM bez uračunatog PDV-a, odnosno 5.147,99 KM sa uračunatim PDV-om, te se istom dodjeljuje ugovor o nabavci.

#### **II**

Ponuda ponuđača iz tačke I ove Odluke odabrana je iz razloga što kao prihvatljiva u svemu zadovoljava uslove propisane u Tenderskoj dokumentaciji i zato što je nakon održane E-aukcije imala najnižu cijenu.

#### **III**

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. stav (2) tačka a) do d) Zakona o javnim nabavkama BiH koji su precizno definisani u tački 8. tenderske dokumentacije.

Prema odredbi člana 72. stav (3) tačka a.) Zakona, ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz člana 45. Zakona u određenom roku.

#### **IV**

Ova Odluka se objavljuje na internetskoj strani Univerziteta u Tuzli ([www.untz.ba](http://www.untz.ba)) istovremeno s upućivanjem odluke ponuđačima koji su učestvovali u postupku javne nabavke.

#### **V**

Ova Odluka stupa na snagu sa danom donošenja i za njeno sprovođenje se zadužuje Odjeljenje javnih nabavki i investicija.

### **O b r a z l o ž e n j e**

Univerzitet u Tuzli pokrenuo je postupak javne nabavke mikroskopa za potrebe Medicinskog fakulteta putem Otvorenog postupka javne nabavke broj: 01-165-JN-2/24 od 16.09.2024. godine objavljenom na Portalu javnih nabavki "E-nabavke" broj: 795-7-1-114-3-112/24 od 20.09.2024. godine, "Službenom glasniku BiH" broj: 65/24 od 27.09.2024. godine i WEB stranici Univerziteta.

U ostavljenom roku ponudu su dostavili šest ponuđača: "DERBY TRADE" d.o.o. Brčko, "TUZLA-FARM" d.o.o. Tuzla, "EMEDING" d.o.o. Sarajevo, "DIMED" d.o.o. Sarajevo, "ELTA 90 MB" d.o.o. Sarajevo i "ANALITIKA" d.o.o. Sarajevo.

Ponuđač „NEXIS“ d.o.o. Sarajevo je dana 27.09.2024. godine dostavio kovertu na kojoj je nečitko naveden evidencijski broj nabavke sa naznakom "NABAVKA ELEKTRONIČKE OPREME". Obzirom da su isti dan, na dan otvaranja ponuda za nabavku mikroskopa, u drugom terminu otvorene ponude u postupku nabavke elektroničke opreme Komisija za sprovođenje javne nabavke elektroničke opreme je nakon otvaranja ustanovila da se dostavljena ponuda ponuđača NEXIS d.o.o Sarajevo odnosi na ponudu za mikroskope, a ne na ponudu za nabavku elektroničke opreme kako je navedeno na koverti ponuđača. Otvaranje navedene ponude je konstatovano u Zapisniku o otvaranju ponuda za nabavku elektroničke opreme.

Komisija konstatuje da ponuda ponuđača „NEXIS“ d.o.o. Sarajevo nije dostavljena u skladu sa zahtjevima iz tačke 4.4. Tenderske dokumentacije „Način dostavljanja ponude“ u kojoj je jasno navedeno „*Na koverti ponude mora biti naznačeno: naziv i adresa ugovornog organa, naziv i adresa ponuđača, evidencijski broj nabavke 01-165-JN-1/24, naziv predmeta nabavke, sa naznakom "ne otvaraj"*“.

Iz naprijed navedenog proizilazi da ponuda ponuđača „NEXIS“ doo Sarajevo nije u skladu sa zahtjevima tenderske dokumentacije za nabavku mikroskopa za potrebe Medicinskog fakulteta te je kao takva ocjenjena kao nepravilna i nije dalje razmatrana.

Analizom ponuda: “DERBY TRADE” d.o.o. Brčko, “TUZLA-FARM” d.o.o. Tuzla, “EMEDING” d.o.o. Sarajevo, “DIMED” d.o.o. Sarajevo, “ELTA 90 MB” d.o.o. Sarajevo i “ANALITIKA” d.o.o. Sarajevo, utvrđeno je da su ponuđači dostavili sve dokaze zahtijevane tenderskom dokumentacijom zbog čega su ocijenjeni kvalifikovanim za dobro obavljanje posla a njihove ponude su prihvatljive. Prihvatljive ponude je ugovorni organ Univerzitet u Tuzli su u skladu sa uslovima postavljenim tenderskom dokumentacijom i obavještenjem, te u skladu sa Pravilnikom o uslovima i načinu korištenja e-aukcije (“Službene novine BiH” broj: 80/23) unio u bazu e-nabavke radi provođenja e-aukcije.

Nakon uspješno okončane e-aukcije i u skladu sa Izvještajem o toku i završetku e-aukcije od 21.10.2024. godine sačinjena je slijedeća rang lista ponuda po povoljnosti:

1. “ELTA 90 MB” d.o.o. Sarajevo,
2. “ANALITIKA” d.o.o. Sarajevo,
3. “EMEDING” d.o.o. Sarajevo,
4. “DIMED” d.o.o. Sarajevo,
5. “DERBY TRADE” d.o.o. Brčko,
6. “TUZLA-FARM” d.o.o. Tuzla.


Budući da ponuda ponuđača “ELTA 90 MB” d.o.o. Sarajevo u svemu zadovoljava zahtjeve Univerziteta predviđene tenderskom dokumentacijom i nakon provedene e-aukcije, ima najnižu ponudenu cijenu Komisija je predložila da se istom dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektorice Univerziteta u Tuzli, Direktor za ekonomske poslove prihvatio je preporuku Komisije i odlučio kao u dispozitivu ove Odluke.

**Pravna pouka:** Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 10 (deset) dana računajući od dana njenog prijema, na adresu dr. Tihomila Markovića br.1., 75 000 Tuzla.

Prilog: Zapisnik o pregledu i ocjeni ponuda broj  
01-165-JN-13/24 od 21.10.2024. godine

DOSTAVITI:  
1x učesnicima  
1x a/a



DIREKTOR ZA  
EKONOMSKE POSLOVE

Alden Osmanbegović, dipl. ecc.